



„ჩინგუძი საცაბთუელთა, სიმუხი ჩუენ ვაბთ ყელთა“

კობახია

გამოცემის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2020 წელი • №-20 (9492) • 16-31 ოქტომბერი • ფასი 50 თეთრი

მუნიციპალიტეტის მერიასში

საბავშვო ბაღის სრული რეაბილიტაცია



ქალაქ სენაკში პროექტის - „ეკონომიკური მონაწილეობა, საცხოვრებელი უზრუნველყოფა და სოციალური ინფრასტრუქტურა იძულებით გადაადგილებულ პირთა და მასპინძელი თემებისათვის“ ფარგლებში, ყოფილი სამხედრო ქალაქის დევენილთა დასახლებაში საბავშვო ბაღის სრული რეაბილიტაცია ჩაუტარდა.

დევენილ და ადგილობრივ აღსაზრდელებს ახალი სააღმშრდელო წლიდან 61 აღსაზრდელზე გათვლილი თანამედროვე სტანდარტების შესაბამისად კეთილმოწყობილი საბავშვო ბაღი მოემსახურება.

პროექტის ფარგლებში ჩატარდა ორსართულიანი საბავშვო ბაღის შენობის გაფართოების, გადახურვის, სველი წერტილების, სააღმშრდელო ოთახებისა და საკონცერტო დარბაზის რეაბილიტაცია. მნიშვნელოვანია, რომ ბაღი ადაპტირებულია შშმ პირთათვის.

პროექტი ლტოლვილთა დანიის საბჭომ (DRC), საქართველო-გერმანიის ფინანსური თანამშრომლობის ფარგლებში განახორციელა.

საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის მოადგილემ გიორგი ნონკოლაურმა, დევენილთა სააგენტოს დირექტორმა ბესარიონ სიმონიშვილმა, სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ

გრიგოლ ბალათურამ, მერის მოადგილემ კახაბერ კუპრეიშვილმა, მუნიციპალიტეტის საკრებულოს თავმჯდომარის მოადგილემ ბადრი კალანდარიშვილმა, საკრებულოს წევრმა, ფრაქცია „ქართული ოცნება-დემოკრატიული საქართველოს“ თავმჯდომარემ ზაზა ნაჭყებამ, ლტოლვილთა დანიის საბჭოსა და სკოლამდელი აღზრდის გაერთიანების წარმომადგენლებთან ერთად სიმბოლურად გახსნეს.

„ბავშვების განვითარება და განათლება ბაღიდან იწყება. სააღმშრდელო დაწესებულებებში საუკეთესო პირობების შექმნა უპირობო პრიორიტეტია. ჩვენი ხელისუფლების დიდი მიღწევაა, რომ დღეს ბაღები უფასოა და ყველა ბავშვისთვის შევგიძლია სკოლამდელი აღზრდის შეთავაზება. ვაშენებთ და ვარემონტებთ ბაღებს, ვაუმჯობესებთ პირობებს, რომ ჩვენი პატარები სათანადო გარემოში აღიზარდონ“ - აღნიშნა სენაკის მუნიციპალიტეტის მერმა ლევან კუპრეიშვილმა. პროექტის - „ეკონომიკური მონაწილეობა, საცხოვრებელი უზრუნველყოფა და სოციალური ინფრასტრუქტურა იძულებით გადაადგილებულ პირთა და მასპინძელი თემებისათვის“ ფარგლებში, სენაკში თანამედროვე სტანდარტების შესაბამისი N4 საბავშვო ბაღი შენდება.

სამშენებლო სამუშაოების დასრულების შემდეგ საჭირო ტექნიკით, ინვენტარით, ბუნებრივი აირითა და ცენტრალური გათბობით უზრუნველყოფილი - N4 საბავშვო ბაღი 100 აღსაზრდელს მოემსახურება. შენობა ადაპტირებული იქნება შეზღუდული შესაძლებლობების მქონე პირთათვის. მუნიციპალიტეტის განვითარების ფონდი ჯიხას ქუჩაზე მდებარე, გასული საუკუნის 50-იან წლებში აგებული NN#5 ბავა-ბაღის ამორტიზებული შენობის ადგილზე ახალ სააღმშრდელო დაწესებულებას აშენებს.

ასევე გამოცხადებულია ტენდერი N3 ბავა-ბაღის მშენებლობაზე.

იგეგმება N7 საბავშვო ბაღის მშენებლობაც.

საგზაო ინფრასტრუქტურის სამუშაოები

ამ დროისათვის სარეაბილიტაციო სამუშაოები დაწყებულია გნადარეიშვილის ქუჩაზე.

წლების განმავლობაში ითხოვდა მოსახლეობა ამ პრობლემის მოგვარებას, რაც „ქართული ოცნების“ ხელისუფლების პირობებში გადაწყდა.

სამუშაოების დასრულების შემდეგ, მათ კომფორტულად გადაადგილების შესაძლებლობა ექნებათ.

ასევე მიმდინარეობს თეატრალური მოედნის ეზოს კეთილმოწყობის სამუშაოები, უახლოეს დღეებში კი, დაიწყება ნოქალაქევის მუზეუმ-ნაკრძალის მიმდებარე პარკინგის ასფალტირება.

სამუშაოებს ახორციელებს შპს „თვინსი“.

ამ ეტაპზე საგზაო ინფრასტრუქტურის მონესრიგების სამუშაოები დასრულდა ქალაქში - ბორჯომის, ქიანელის, ტაბიძის ქუჩებზე და ძმები კანკავეების ქუჩის ჩიხში, ხოლო სოფლად - ძველი სენაკის ადმინისტრაციული ერთეულის სოფელ ზემო სორტასა და ზანის ადმინისტრაციული ერთეულის საკვაშილავოს უბანში, სადაც დაიგო ბეტონის საფარი.

„გვეგეგვით 14 გზის რეაბილიტაციას. საგზაო ინფრასტრუქტურის მონესრიგების სამუშაოებზე გამოვაცხადეთ ტენდერი.“



სოფლად რეაბილიტირდება: ხორშის ადმინისტრაციული ერთეულის სოფელ ხორშის, ნოსირის ადმინისტრაციული ერთეულის სოფლების სასიროსა და საბესელიოს, ძველი სენაკის ადმინისტრაციული ერთეულის სოფელ საარჩაოს, ლეჩაძამეს ადმინისტრაციული ერთეულის სოფელ ჯოლევის შიდა საუბნო გზები; ბეტონის საფარი დაიგება მენჯის ადმინისტრაციული ერთეულის სოფელ სახარბედოში - თხილის საამქროს მიმდებარე.

ქალაქში მოეწყობა: შხეფის, ძმობისა და შელევიას ქუჩები, არსენას ქუჩის ორივე ჩიხი, ძმთა სასაფლაოს შიდა გზა და გაგრძელება დარჩენილი გზების მონესრიგება.

თითოეული პროექტი გაითვლება ჩვენი მოქალაქეების საჭიროებებზე, რადგან ჩვენი სახელისუფლებო გუნდის უმთავრესი ღირებულება სწორედ ადამიანია“ - აღნიშნა მუნიციპალიტეტის მერმა ლევან კუპრეიშვილმა.

საჭადრაკო კლუბის გახსნა



სენაკში აქტიური საჭადრაკო ცხოვრების ახალი ეტაპი იწყება.

საჭადრაკო კლუბის დახურვიდან 27 წლის შემდეგ, ქალაქში ჭადრაკის სახლი გაიხსნა, რომელიც საქართველოს დამსახურებული მწვრთნელის, სენაკის კოლორიტის მიხეილ ქურდოვანიძის სახელს ატარებს.

ჭადრაკის სახლი სიმბოლურად სენაკის მუნიციპალიტეტის მერმა ლევან კუპრეიშვილმა და მიხეილ ქურდოვანიძის შვილმა, სენაკის საპატიო მოქალაქემ პაატა ქურდოვანიძემ, პაატარა მოჭადრაკესთან ერთად გახსნეს.

საზეიმო გახსნას საქართველოს პარლამენტის წევრი ოთარ დანელია, მერის პირველი მოადგილე გრიგოლ ბალათურა, მერის მოადგილე კახაბერ კუპრეიშვილი, განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი, სასპორტო გაერთიანების დირექტორი ჯუმბერ ლაქარაია, ადგილობრივი თვითმმართველობისა და საზოგადოების წარმომადგენლები დაესწრნენ.

ამ ეტაპზე, ა(ა)იპი „სენაკის მუნიციპალიტეტის სასპორტო გაერთიანების“ ჭადრაკის სექციაში 50 მოზარდი ირიცხება.

გამორჩეულ და მაღალინტელექტუალურ თამაშს საქართველოს ჭადრაკის ფედერაციის ლიცენზირებული მწვრთნელები, მერაბ ჯღამაძე და ზურაბ ლიფონავა ასწავლიან.

მნიშვნელოვანია, რომ ახალგაზრდებს თუ მოზარდილებს ჭადრაკის დასაუფლებლად დღეიდან შესაბამისი გარემო ექნებათ.

სენაკს საჭადრაკო ცხოვრებისა და მიღწევების, გამოჩენილ მოჭადრაკეთა აღზრდის დიდი ისტორია და ტრადიცია აქვს.

ამ ქალაქში 1947 წლიდან აქტიურად იმართებოდა ტურნირები ჭადრაკში.

სენაკში პროფესიული ჭადრაკის ფუძემდებელი მიხეილ ქურდოვანიძეა.

1970 წლიდან ქალაქში საჭადრაკო კლუბი „მხედრული“ და მუზეუმი გაიხსნა, სადაც იმართებოდა ტურნირები და ყოველთვის პირველობდნენ სენაკელი მოჭადრაკეები.

1971-72 წლებში სენაკში თამაშობდნენ მსოფლიო ჩემპიონები - მიხეილ ბოტვინიკი, სალო ფლორი, ანდრე ლილიენტალი და სხვები.

1993 წლიდან საჭადრაკო კლუბი დაიხურა, თუმცა 1995-2001 წლებში ასაკობრივი კატეგორიების მიხედვით იმართებოდა სასკოლო პირველობები.

დღეიდან სენაკის საჭადრაკო ტრადიცია ღირსეულად გაგრძელდება და სენაკელი მოჭადრაკეები ეროვნული თუ საერთაშორისო მასშტაბით არაერთ ღირსეულ გამარჯვებას მოიპოვებენ.

„სოფლის მხარდაჭერის პროგრამა“ ნოქალაქევიში

საქართველოს მთავრობის განკარგულების შესაბამისად „სოფლის მხარდაჭერის პროგრამის“ ფარგლებში სენაკის მუნიციპალიტეტისთვის 738 000 ლარი გამოიყო, რომელიც მოსახლეობის რაოდენობის მიხედვით ადმინისტრაციულ ერთეულებზე გადანაწილდა.

მუნიციპალიტეტის თოთხმეტივე ადმინისტრაციულ ერთეულში ინფრასტრუქტურის მოსახერხებლად იხრებება შიდა საუბნო გზები, ნესრიგდება სანიაღვრე არხები, ეწყობა გარე განათების სისტემა, ხიდ-ბოგირები, მგზავრთა მოსაცდელები, რეაბილიტირდება საბავშვო ბაღები და სხვ.

აღნიშნული პროგრამის ფარგლებში, ნოქალაქევის ადმინისტრაციული ერთეულისთვის 60 000 ლარი განისაზღვრა.

ნოქალაქევის ადმინისტრაციული ერთეულის ლებალათურის უბანში მოეწყო საავტომობილო ხიდი, ჯიხას უბანში კი სასაფლაომდე მისასვლელი გზა და კიუვეტი, გახომელას უბანში - ნაპირსამაგრი გაბიონი, ხოლო ზემო ნოქალაქევის



უბანში მოიხრეშა საავტომობილო გზა. მნიშვნელოვანია, რომ მოსახლეობამ თავად განსაზღვრა ის პრიორიტეტები, რომელთა განხორციელება უმნიშვნელოვანესია მათი ადმინისტრაციული ერთეულისთვის. ეს პრინციპი განაპირობებს პროექტების მაღალეფექტიანობას და მოსახლეობის ინტერესების მაქსიმალურად დაკმაყოფილებას.

„სოფლის მხარდაჭერის პროგრამით“ სახელმწიფო ბიუჯეტიდან გამოყოფილი თანხები თოთხმეტივე ადმინისტრაციულ ერთეულში მოსახლეობის სასურველი პროექტების განხორციელებას მოხმარდა.

რეგიონების მასშტაბით პროგრამის წარმატებით განხორციელება არის იმის წინაპირობა, რომ მომავალშიც გაგრძელდეს სოფლის მოსახლეობის ასეთი პირდაპირი და ეფექტიანი მხარდაჭერა.

(გაგრძელება მე-2 გვ-ზე)

ირაკლი ხახუბია – ფოთის, სენაკისა და ხობის მაჟორიტარად



„ჩემი მიზანია, ვიყო ამომრჩეველთა ისეთი ლობისტი პარლამენტში, რომელიც ხელს შეუწყობს მათ განვითარებასა და კეთილდღეობას“

ირაკლი ხახუბია დაიბადა 1971 წელს ქალაქ ფოთში. დედა ნაილი თელია ცნობილი კარდიოლოგი იყო და არაერთ ადამიანს შეუნარჩუნა სიცოცხლე. მან კანდიდატის პიროვნების ჩამოყალიბებაში უდიდესი წვლილი შეიტანა. მამა – პროფესიით ინჟინერ-ეკონომისტი გონერ ხახუბია წლების განმავლობაში სამკერვალო ფაბრიკის დირექტორის მოადგილე იყო. ირაკლიმ მშობლებისაგან ბავშვობიდანვე შეისისხლხორცა შეგონება, რომ თუ შეგიძლია ვინმეს გამოადგე და ამას არ აკეთებ, არ ხარ კარგი ადამიანი. სწორედ ამის დამსახურებაა, რომ მას სიკეთის თესვა წესად ექცა.

ჰყავს ვაჟი გიორგი, ორი რძალი (გიორგის და ბექას მეუღლეები) ორივე ნინო და სამი შვილიშვილი. ირაკლი ხახუბიას პრიორიტეტია ოჯახის, ტრადიციის დაცვა, სიკეთის კეთება, ადამიანების დახმარება, ქვეყნის აღმშენებლობის საქმეში წილის დადება, ქველმოქმედება...

წარმატებისა და წინსვლის სრულიად ახალ ეტაპზე გადაყვას. ახალი ფურცელი გადაიშლება სენაკის ცხოვრებაშიც. ჩვენმა გუნდმა ზუსტად იცის ქვეყნის წინაშე არსებული გამოწვევები და შესაბამისად, ყოველი ინიციატივა, ყველა პროექტი და პროგრამა მიმართული იქნება მოსახლეობის საჭიროებებზე. უპრეცედენტო მასშტაბის სამუშაოები განხორციელდა ფონდ „ქართუს“ დაფინანსებით აკაკი ხორავას სახელობის სახელმწიფო დრამატულ თეატრში, რამაც კულტურული მემკვიდრეობის ძეგლს ახალი სიცოცხლე შესძინა. მოხარული ვარ, რომ სენაკში, რომელსაც საქადრაკო ცხოვრებისა და მიღწევების, გამოჩენილ მოჭადრაკეთა ალზრდის დიდი ისტორია და ტრადიცია აქვს, ჭადრაკის სახლი გაიხსნა. სენაკი ტრადიციების და კულტურის მქონე ქალაქია. სენაკელები იმსახურებენ მონეტარულ ინფრასტრუქტურას, კარგ საცხოვრებელ გარემოს, ახალ შესაძლებლობებს ახალგაზრდებისთვის, რომელსაც ჩვენს გუნდთან ერთად შევქმნივთ. სენაკში განხორციელდება სოფლებისა და ქალაქის დარჩენილი ნაწილის გაზიფიცირება. ხელს შეუწყობს სოფლის მეურნეობის ტრადიციული დარგების განვითარებას.



გაგრძელება წყალმომარაგების სამუშაოები. აშენდება, რეაბილიტირდება სკოლები, საბავშვო ბაღები. გადაიდგმება ქმედითი ნაბიჯები სოფლად მცხოვრები მოსახლეობის სწრაფ და ხარისხიან ინტერნეტთან წვდომისთვის. გაგრძელდება გზების და ხიდების მშენებლობა-რეაბილიტაცია, ქალაქის კეთილმოწყობა. მკვეთრად გაფართოვდება მუნიციპალიტეტის განვითარების არეალი. ეს ხედვები რეალობად იქცევა და არ დარჩება ფუჭ დაპირებად... მზად ვარ სენაკელებთან ერთად ვიზრუნო თითოეული ოჯახის კეთილდღეობისთვის. ეს ქალაქი ჩემთვის ახლობელია. ჩემი დიდი წინაპრები ერთ-ერთი ულამაზესი სოფლიდან, ეკიდან გახლავთ. ჩემთვის ქვეყანა კი სწორედ წინაპრებიდან იწყება და მერნშენით, გუნდთან ერთად, ჩემს გამოცდილებას, შესაძლებლობებს სენაკის აღმშენებლობაში ჩავდებ, რა თქმა უნდა, ფოთთან და ხობთან ერთად. ერთად გავაგრძელოთ ქალაქისა და ქვეყნის აღმშენებლობა, წარმატება და განვითარება კი შეუქცევადი გავხადოთ.

აკოლონ გარუჩავა – ფოთის, ხობის და სენაკის დამოუკიდებელ მაჟორიტარად „უკეთესი მომავლისთვის!“ 62



აკოლონ (გიგა) რეზოს ძე გარუჩავა დაიბადა 1981 წლის ოქტომბერში ქ. სენაკში. 1999 წელს დაამთავრა ფილიპინების სახელმწიფო უნივერსიტეტის საშუალო სკოლა. შემდეგ ჩაირიცხა საქართველოს ტექნიკური უნივერსიტეტის ეკონომიკის ფაკულტეტზე. 2004 წელს დაამთავრა აღნიშნული სასწავლებელი ბაკალავრის ხარისხით. 2006 წელს დაამთავრა მაგისტრატურა ამავე სპეციალობით და მიიღო მაგისტრის ხარისხი. აკოლონ გარუჩავა ხელმძღვანელობს კერძო ბიზნესს. ჰყავს მეუღლე და ორი შვილი.

საარჩევნო პროგრამის ძირითადი პრიორიტეტები: მუნიციპალიტეტებში სამუშაო ადგილების, სხვადასხვა სახის კოოპერატივების, მცირე საწარმოების შექმნა. სენაკის ტურისტულ ცენტრად გადაქცევა, ტურიზმის განვითარებისთვის ინფრასტრუქტურის განვითარება. მუნიციპალიტეტების სოფლების ინფრასტრუქტურის განვითარება, სოფლის მოსახლეობის ჩაბმა სხვადასხვა პროექტებში (სუბსიდირებით, დაბალპროცენტაიანი სესხებით,

გრანტებით) ეკოლოგიური პრობლემების მოწესრიგების, ქალაქის გამწვანების რეგულარული გეგმის შემუშავება. ახალგაზრდებისათვის გასართობი ცენტრების, ინტელექტუალური გარემოს შექმნა. მე, როგორც სენაკელს მანუხებს ჩემი ქალაქის და მთელი რეგიონის პრობლემები, ამიტომ მთელ ჩემს ენერჯიას ამ პრობლემების მოგვარებას მოვახმარ. ჩემი მხარდაჭერა ნიშნავს უკეთეს მომავალს, მეტ ეკონომიკას, მეტ სამუშაო ადგილს, უკეთეს ინფრასტრუქტურას, გასართობ ცენტრებს, ძლიერ სოფელს და სტაბილურ გარემოს.

მუნიციპალიტეტის მერიად (დასასრული) მასშტაბური ინფრასტრუქტურული პროექტები



სენაკის მუნიციპალიტეტში, მოსახლეობის საჭიროებების გათვალისწინებით, საგზაო-სარეაბილიტაციო და სხვადასხვა ინფრასტრუქტურული პროექტის განხორციელება აქტიურად გრძელდება. ამ ეტაპზე მენჯის ადმინისტრაციული ერთეულის სოფელ სახარბედიოს საეკიბიოს უბანში ბეტონის გზა ეწყობა. სამუშაოებს, რომლის ღირებულება 150 463 ლარია, შპს „თვინისი“ ახორციელებს. სამუშაოების მიმდინარეობის პროცესს სენაკის მუნიციპალიტეტის მერი ლევან კუპრეიშვილი პირველ მოადგილესთან გრიგოლ ბალაბერიასთან, სივრცითი მონაწილესა და ინფრასტრუქტურის სამსახურის წარმომადგენლებთან, გელა

ჯანაშიასთან და ირაკლი საჯაიასთან ერთად გაეცნო. საგზაო ინფრასტრუქტურის, გაზიფიცირებისა და გარე განათების სისტემის მოწყობის საკითხები მოსახლეობამ ადგილობრივ ხელისუფლებასთან გამართული „ღია შეხვედრების“ დროს წამოჭრა. ამ დროისთვის, საგზაო ინფრასტრუქტურის მონეტარული პარალელურად, ინტენსიურ რეჟიმში მიმდინარეობს გაზიფიცირების ქსელის როგორც სამშენებლო, ისე გაზიფიცირებული უბნების გამრიცხველიანების პროცესი, რომლის დასრულების შემდეგ სრულად გაზიფიცირდება მენჯის ადმინისტრაციული ერთეულის სოფლები ბათარია, სახარბედიო, სანულეისკირიო, პერტული, სკურია და საგაბესკირიო. დასრულებულია გარე განათების სისტემის მოწყობის სამუშაოები, რითაც მოსახლეობის წინაშე მდგარი ყველა საბაზისო პრობლემა მოგვარდა. ამ ეტაპზე სენაკში ასევე დასრულებულია 24 გზის სარეაბილიტაციო სამუშაოები. იგეგმება კიდევ 10 გზის კეთილმოწყობა. წლის ბოლომდე ქალაქ სენაკში, თამარის ქუჩის და ცერცვაძის ჩიხის გარდა, ყველა ქუჩა რეაბილიტირდება. აღნიშნული ქუჩისა და ჩიხის ასფალტბეტონის სამუშაოები კი 2021 წლის გაზაფხულზე დაიწყება.

პრემიერა „პროლოგი - ჩემი წარსულია“

სენაკის აკაკი ხორავას სახელობის პროფესიული სახელმწიფო დრამატული თეატრის დასმა პრემიერა „პროლოგი - ჩემი წარსულია“ გამართა. სპექტაკლი დიდი ქართველი მსახიობის, აკაკი ხორავას ტრაგიკულ ცხოვრებასა და ტრიუმფალურ შემოქმედებით გზას ასახავს და მისი დაბადებიდან 125 წლისთავს მიეძღვნა. პრემიერას ესწრებოდნენ სენაკის მუნიციპალიტეტის მერის მოადგილე კახაბერ კუპრეიშვილი, განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი, ადგილობრივი თვითმმართველობისა და საზოგადოების წარმომადგენლები. პრემიერა ღია სივრცეში, რეკომენდაციების სრული დაცვით ჩატარდა. სპექტაკლი, რომლის რეჟისორია ელენე მაცხოვრავილი, ერთდროულად მხატვრული და შემეცნებითი ხასიათის მატარებელია. მსახიობის მიერ, ჩანანერების, პირადი დღიურების, მოგონებებისა და სხვა დოკუმენტური მასალების დაყრდნობით, შთაბეჭდილად ინაკვთება დიდი ხელოვანის პიროვნული პორტრეტი. აკაკი ხორავას სახელობის სახელმწიფო დრამატულ თეატრს სენაკის კულტურულ ცხოვრებაში ნახევარ საუკუნეზე მეტია გამორჩეული ადგილი უჭირავს. თეატრის შენობას, რომელიც კულ-



ტურული მემკვიდრეობის უნიკალური ძეგლია, ფონდ „ქართუს“ ხელშეწყობით სრულფასოვანი მასშტაბური რეაბილიტაცია ჩატარდა და ამ თეატრს არა მარტო სენაკის, არამედ რეგიონისა და მთელი ქვეყნის კულტურულ ცხოვრებაში შეუძლია გამორჩეული ადგილის დამკვიდრება. 139-ე სეზონზე ფარდა განახლებულ თეატრში გაიხსნება, მანამ კი დასი გეგმავს დიდი ხელოვანის აკაკი ხორავას მშობლიურ სოფელში გამართოს შემოქმედის დაბადებიდან 125 წლისთავისადმი მიძღვნილი სპექტაკლი. მერიის საზოგადოებასთან ურთიერთობის და ინფორმაციული უზრუნველყოფის განყოფილება



სენადენტში მუდამ ღიმილით გელიან

სენადენტში ყველაფერს აკეთებენ იმი-სათვის, რომ თითოეულ აქ მოსულ პაციენტს დახედვს მეგობრული გარემო და იგრძნოს თავი მყუდროდ კლინიკაში ვიზიტის დროს.

აქ მუდამ ღიმილით გელიან. ჩვენი სტუმარია სტომატოლოგიური კლინიკა „სენადენტის“ ხელმძღვანელი და დამფუძნებელი, საქართველოს ბავშვთა სტომატოლოგთა ასოციაციის წარმომადგენელი დასავლეთ საქართველოში, საქართველოს პაროდონტოლოგთა ასოციაციის სამეგრელოს რეგიონის წარმომადგენელი ქალბატონი ანასტასია ხუფენია

რომელი ასაკიდან უნდა დავიწყოთ სტომატოლოგთან სიარული? როდის უნდა მივმართოთ ბავშვთა სტომატოლოგს? როგორ დავიყოლოთ ბავშვი სტომატოლოგთან ვი-

პირველი სარძევე კბილის ამოჭრისთანავე უნდა მიმართოთ სტომატოლოგს, რათა ექიმმა მოგცეთ საჭირო რეკომენდაციები.

სარძევე კბილები არ საჭიროებს მკურნალობას, ამოსაღებია. უნდა გაითვალისწინოთ შემდეგი: მაქსიმალურად შეზღუდეთ ტკივილური; ღამე პატარებს არ მისცეთ ტკივილი ჩაი, მანონი-რათა თავიდან ავიცილოთ კარიესი;

დაეხმარეთ პატარებს კბილის გახეხვაში, დღეში ორჯერ-ღილით ჭამის წინ, საღამოს ძილის წინ.

კბილის პასტა უნდა იყოს დამზადებული ნატურალური კომპონენტებისაგან. უნდა იყოს პროფილაქტიკური და არა სამკურნალო, ქონდეს სასიამოვნო სუნი, გემო. 5 წლამდე ბავშვებისათვის არ უნდა შეიცავდეს ფტორს.

უძველესი დროიდან ითვლებოდა, რომ ადამიანი ჯანმრთელია მანამ, სანამ ჯანმრთელი აქვს კბილები. კბილებისა და ღრძილების ჯანმრთელობა უდავოდ დავკავშირებულია პირის ღრუს ჰიგიენასთან. პირის ღრუს ჰიგიენაზე ზრუნვა უნდა დაიწყოს ადრეული ასაკიდან. რადგან სწორედ მასზეა დამოკიდებული ბავშვის მომავალი ჯანმრთელობა.

ჰიგიენის დაუცველობით, ბავშვთა მოუვლელ პირის ღრუში კბილის კარიესი, ლორწოვანი გარსის ანთება და სხვა დაავადებები ისეთივე სიხშირით ვითარდება როგორც მოზრდილებში.

თვალისმომჭრელი ღიმილი ყველას უხდება. ის იწვევს ხალხში სიმპათიას, დადებითად განაწყოებს თანამოსაუბრეს. 5 წელია საოჯახო სტომატოლოგიური კლინიკა „სენადენტი“ ზრუნავს ჩვენი და ჩვენი შვილების კბილების სიჯანსაღეზე.



ზიტზე? როდის ამოდის სარძევე კბილები? როგორი უნდა იყოს კბილის პასტა ბავშვებისთვის? როგორ მოვუაროთ ბავშვის სარძევე კბილებს? კლინიკის დაარსების დღიდან ჩატარებულ არაერთ შემეცნებით და პროფილაქტიკურ ღონისძიებებზე და სხვა მრავალ საინტერესო საკითხებზე გვესაუბრება ქალბატონი ანასტასია.

კბილებზე ზრუნვა უნდა დავიწყოთ ადრეული ასაკიდან. სარძევე კბილების ჩანასახების ჩამოყალიბება ხდება ჯერ კიდევ მუცლად ყოფნის დროს, ამიტომ, თუ გინდათ, რომ თქვენს პატარას ჯანმრთელი კბილები ჰქონდეს, პირველ რიგში დედას უნდა ქონდეს მონესრიგებული კბილები და პირის ღრუ მთლიანად. ბავშვის მიყვანა სტომატოლოგთან არ გავიჭირდებოთ, თუ გაითვალისწინებთ შემდეგ რჩევებს: როცა მშობელი ჩანერილი ხართ ვიზიტზე სტომატოლოგთან, თან წაიყვანეთ პატარა, რადგან როცა მას დასჭირდება სტომატოლოგის დახმარება-იქ არ იქნება მისთვის უცხო გარემო; სწორად შეარჩიეთ კლინიკა, სადაც თქვენ პატარას მოემსახურება სერთიფიცირებული ბავშვთა სტომატოლოგი. ექიმს უნდა ქონდეს მოთმინების უნარი, უნდა უყვარდეს პატარები, უნდა მოერგოს ბავშვთა ფსიქოლოგიას; პირველი ვიზიტს უნდა ქონდეს გაცნობითი ხასიათი; მიიყვანეთ თქვენი პატარა ყოველ 6 თვეში პროფილაქტიკურ გამოკვლევებზე, რათა თავიდან ავიცილოთ მტკივნეული მანიპულაციები; პატარა ასაკიდან შეაჩვიეთ კბილების მოვლას, აუხსენით, რომ ჯანმრთელობა იწყება ჯანმრთელი კბილებით.

მიეცით საკმარისი რაოდენობის წყალი და ხშირად გაიყვანეთ სუფთა ჰაერზე.

ბავშვს მიეცით რძის პროდუქტები, ბოსტნეული, ხილი.

შემიძლია ვთქვა, რომ ეს ყველაფერი ჩემი ხანგრძლივი შრომის შედეგია. ჩემი კლინიკის გუნდი, ჩემი ხელმძღვანელობით, უკვე 5 წელია, სამეგრელოს 5 რაიონში



(სენაკი, ხობი, ჩხოროწყუ, აბაშა, მარტვილი) ახორციელებს ვიზიტებს სკოლებსა და სკოლამდელი აღზრდის დაწესებულებებში, შემეცნებით-პროფილაქტიკური ღონისძიებით ვანარშობთ ბავშვების პირის ღრუს დათვალეირებასა და აღრიცხვას და ვადგენთ ყოველწლიურად სტატისტიკას. უნდა ითქვას, რომ პროგრამა მზარდი წარმატებით ხორციელდება ეს წლებია. ყოველწლიურად უფრო მეტი პაციენტი ინტერესდება, ეხმარება პროფილაქტიკურ და პრევენციულ ღონისძიებებს. იმედი გვაქვს ახლო მომავალში პირველ ფლანგზე იქნება პროფილაქტიკური ღონისძიებები და უფრო ნაკლებ პაციენტს დასჭირდება უფრო სერიოზული ჩარევები. ასევე მე გახლავართ, სენაკში, ღიმილის დღისადმი მიძღვნილი



კლინიკის მთავარი მიზანია: ხარისხიანი და უსაფრთხო მომსახურება, პაციენტის კომფორტი. კლინიკა აღჭურვილია თანამედროვე აპარატურით, რაც მედპერსონალს ეხმარება სრულყოფილ დიაგნოსტიკასა და მკურნალობის გეგმის შემუშავებაში.

უმტკივნეულო მკურნალობისთვის იყენებენ ბოლო თაობის ანესთეტიკებს, რომელსაც არჩევენ პაციენტის ასაკის, ჯანმრთელობის მდგომარეობისა და ფიზიკური სტატუსის გათვალისწინებით.

მოქმედებს მკაცრი კონტროლი სტერილიზაციაზე. სადეზინფექციო-ჰიგიენური ზედამხედველობა განსაკუთრებულ რანგშია აყვანილი. მაქსიმალურად გამოიყენება ერთჯერადი მოხმარების სტომატოლოგიური მასალა.

ყოველწლიური ღონისძიების ორგანიზატორი. ესეც ერთგვარი სამოტივაციო ღონისძიებაა ბავშვებისათვის, სადაც მონაწილეობას ღებულობს სხვადასხვა ბავშვი და სკოლა. იმართება კონკურსები, თამაშები და სხვადასხვა გასართობი ღონისძიებები. ეს ძალიან მოკლედ, ჩემი საქმიანობის შესახებ. შარშან, ერთი წლის წინ, ჩემს კლინიკაში ჩამოყვავდა კლუბი ბავშვებისათვის, სახელწოდებით - „senadenti kids club“. სტომატოლოგიური პრობლემების გამომწვევი ძირითადი მიზეზი ის არის, რომ ადრეული ასაკიდან არ ხდება იმ უნარ-ჩვევებს ჩამოყალიბება, რომელიც მთელი ცხოვრების მანძილზე ნებისმიერი ასაკის ადამიანისთვის მნიშვნელოვანია. სწორედ ამ უნარ-ჩვევების ჩამოყალიბებას უწყობს ხელს ჩვენი კლუბი. სენადენტი kids club-ის პროფილაქტიკური პროგრამა: „ჯანსაღი კბილები მთელი სიცოცხლის მანძილზე“, მოიცავს ყველა იმ საჭირო ღონისძიებას, რომელიც დაეხმარება ბავშვებსა და მათ მშობლებს, გააკონტროლონ: კარიესის განვითარება, თანკბილის ანომალიები, სრულფასოვანი პროფილაქტიკა, სრულფასოვანი ჰიგიენა, ჯანსაღი კვება, მავნე ჩვევების ზემოქმედება ორგანიზმზე. 2019-2020 წლის ჯგუფში დარეგისტრირებული არის 35 ბავშვი. კლუბის პროგრამა ხორციელდება სამ ასაკობრივ ჯგუფში: 3-6, 7-10, 10-14 წლის ბავშვებთან. 1 წლიანი პროგრამა შედგებოდა 4 გაკვეთილისაგან, თითო გაკვეთილი თითო სეზონზე. თითოეული გაკვეთილი დატვირთული იყო საინტერესო თემებითა და სახალისო თამაშებით, რითაც შეეცადეთ ბავშვებისათვის უფრო მარტივი და ადვილად ასათვისებელი გაგვეხადა გაკვეთილები. 29 აგვისტოს, შედგა გამოსაშვები საღამო „სენადენტი kids club-ი 2020“. ეს იყო ჩვენი ერთწლიანი შრომის შეჯამება და ბავშვების დაჯილდოება.

ძვირფასო მშობლებო, თუ თქვენს შვილებს აქვთ კბილებთან დაკავშირებული პრობლემები, მომართეთ „სენადენტს“. აქ თქვენ მოგემსახურებიან პროფესიონალები: ქირურგი სტომატოლოგი ვაჟა გლუნჩაძე, ბავშვთა და მოზრდილთა თერაპევტი სტომატოლოგი გულნარა ბუბუტიშვილი, სტომატოლოგი-ორთოდონტი თამარ ბოჭორიშვილი, ორთოპედ სტომატოლოგი ირაკლი კეზუა, ინპლანტოლოგი დიეგო ზარანდია, ფსიქოლოგი მაკა კინურაშვილი, ექთანი ლელა პაპასქირი. კლინიკაში არის სპეციალური კაბინეტი შეზღუდული შესაძლებლობის მქონე პირებისთვის. მედპერსონალს აქვს შშმ პირებთან მუშაობის გამოცდილება. ამასთან თქვენ შეგიძლიათ იმ შემეცნებით და გასართობ პროგრამაში მიიღოთ მონაწილეობა, რომლებსაც კლინიკა გთავაზობთ. ერთობლივად მოვახდინოთ პოპულარიზაცია და გავრცელება მოსახლეობაში, უფრო მეტი ადამიანისთვის გახდეს ცნობილი ჩვენი კლუბის შესახებ, უფრო მეტი ბავშვი გახდეს მონესრიგებული და ადრეული ასაკიდან მიეჩვიონ დამოუკიდებელ, სრულფასოვან პირის ღრუს ჰიგიენას. უფრო მეტს ადვილზე გაიგებთ.

ენციეთ „სენადენტს“, კმაყოფილი დარჩებით.

მაია გერგაია

„დიდკაცობას კაი კაცობა ჭობია, კაი კაცობას კი მამულიშვილობა“

დიდი ქართველის გიორგი სააკაძის ეს გამონათქვამი ქალაქზე დიდი ასობით დაწერილი მაქვს და ვეკითხები ყველა შემხვედრს.

რომელი ჯობია: დიდკაცობა? კაი კაცობა? თუ მამულიშვილობა? უმრავლესობის პასუხი იყო – დიდკაცობა. ნუთუ?

მართლა დიდკაცობა ჯობია? ვეკითხები ჩენს თავს. თანაც, ზოგიერთი განმარტებისათვის ამატებს შემდეგ ტერმინებს:

- 1. თუ დიდი კაცი ხარ – ყველაფერი გაქვს, ყველაფერი შეგიძლია.
- 2. კაი კაცობით დღევანდელ

პირობებში ფონს ვერ გახვალ (თითო-ოროლამ თუ მიპასუხა ასე).

3. მამულიშვილობა? ეს ხომ მაღალფარდოვანი, სახელმწიფო რანგში აყვანილი სიტყვაა, ერთ-ერთი მოპასუხე კი ყველაზე ჭკვიანი გამოდგა და მპასუხობს:

თუ ვინმე არა მარტო მეკითხება, არამედ ამ სიტყვების შესაფერის მდგომარეობასაც მთავაზობს, მაშინ ვიტყვოდი:

თუ ჩემს პასუხს დღეის მდგომარეობით განსჯიან „დიდკაცობას“ ამჯობინებენ, თანაც დაამატებენ კმაყოფილი კაცის იერით. ძმაო,

სანამ ხარ იქნები დიდკაცა და ყველაფრის მქონეც.

მაშ, გამოკითხულთა ნახევარზე მეტმა დიდკაცობა ამჯობინა.

ნუთუ? აბა დააკვირდით, კაი კაცობით ვერც ოჯახს გამოკვებავ და ვერც სხვები დაგაფასებენ. ხოლო მამულიშვილობაზე ხომ ზედმეტია ლაპარაკი.

აბა დააკვირდით ცხოვრებას, რაიონში მოსახლეობის იმ ნაწილმა, რომელმაც მიაღწია დიდკაცობას ყველანი უზრუნველყოფილნი არიან. მიდი და გაარჩიე შენ იცი მეტი თუ იმ დიდკაცმა? ამიტომ

მიიღტვის ყველა, შეუძლია თუ არა, გახდეს დიდი კაცი. აბა დააკვირდით რაიონში (მხედველობაში მაქვს ჩვენი რაიონი), მხოლოდ თითო-ოროლა თუ არის მამულიშვილი, უფრო სწორად, ჩემი აზრით მხოლოდ ერთია, რომლის დასახელებაც არ არის საჭირო, ისედაც მიხვდება მკითხველი. მის მიერ რუდუნებით ნაგები გზები, ხიდები, ეკლესია-მონასტრები მთელ რეგიონს ამშვენებს.

და ასეთი დასკვნა გვაკეთე სათაურად გამოყენებული სტროფის დასამთავრებლად. მოდი დიდკა-

ცობასა და მამულიშვილობას შორის ხიდად კაი კაცობა გამოვიყენოთ და ჩვენი წერლის სათაურად გამოყენებულ სტროფს დავამთავრებდი სიტყვა მამულიშვილით.

ისედაც, ჩემი მოღვაწეობის სტილი ასეთი იყო, დიდკაცობასა და ჩემს პასუხს შორის ხიდი იქნებოდა: „კაი კაცობა“ და ბოლოს სრული პასუხი:

„კაი კაცობას – მამულიშვილობა ჯობია.“

ეს ის ჯადოსნური სიტყვაა, რომლითაც მთელი ცხოვრება მიმოღვანია.

მაია გვასალია

ამომრჩეველთა საყურადღებოდ!

პანდემიის პირობებში კენჭისყრის პროცესი უსაფრთხოა. კენჭისყრის შენობაში გათვალისწინებული ინფექციის გავრცელების ყველა პრევენციული ღონისძიება.

კენჭისყრა იმართება 08:00 საათიდან 20:00 საათამდე

საარჩევნო უბანზე მისვლისას: გაიარეთ მარკირების შემონიშნების პროცედურა

კენჭისყრის ოთახში შესვლამდე დამუშავეთ ხელები შესასვლელში განთავსებული ხელის სადეზინფექციო სითხით

ნაკადის მომწესრიგებელ კომისიის წევრს წარუდგინეთ პირადობის მოწმობა ან საქართველოს მოქალაქის პასპორტი და დროებით მოიხსენით პირბადე იდენტიფიცირების მიზნებისთვის

მარკირების შემონიშნების პროცედურის გავლის შემდეგ რეგისტრატორს წარუდგინეთ პირადობის მოწმობა ან საქართველოს მოქალაქის პასპორტი და დროებით მოიხსენით პირბადე

გაიკეთეთ მარკირება

ამომრჩეველთა სიაში თქვენი გვარის გასწვრივ გააკეთეთ ხელმოწერა რეგისტრატორის მაგიდაზე განთავსებული ინდივიდუალური მოხმარების-

თვის განკუთვნილი კალმისტრით. ამავე კალმისტრით ისარგებლეთ ფარული კენჭისყრის კაბინაში საარჩევნო ბიულეტენის / ბიულეტენების შევსებისას

მიიღეთ რეგისტრატორისგან ბეჭდითა და ხელმოწერით დამოწმებული საარჩევნო ბიულეტენი / ბიულეტენები

ფარული კენჭისყრის კაბინაში საარჩევნო ბიულეტენში / ბიულეტენებში შემოხაზეთ თქვენთვის სასურველი ერთი საარჩევნო სუბიექტის რიგითი ნომერი.

კენჭისყრის კაბინიდან გამოსვლის შემდეგ აიღეთ სპეციალური კონვერტი და დაკეცილი საარჩევნო ბიულეტენი / ბიულეტენები მოათავსეთ მასში, სპეციალური კონვერტი მოათავსეთ საარჩევნო ყუთში.

ხმის მიცემის პროცესში გამოყენებული ინდივიდუალური მოხმარებისთვის განკუთვნილი კალმისტარი დატოვებთ სპეციალურ კონტეინერში.

კენჭისყრაში მონაწილეობის შემდეგ გთხოვთ დატოვოთ კენჭისყრის შენობა.

კენჭისყრის შენობის დატოვებისას ისარგებლეთ გასასვლელში უზრუნველყოფილი ხელის სადეზინფექციო სითხით.

კორონავირუსის შემთხვევები სენაკში

როგორც ცნობილია ეპიდემიოლოგიური სიტუაცია შეიცვალა როგორც საქართველოს მასშტაბით, ასევე ჩვენს მუნიციპალიტეტში.

კორონავირუსი დაფიქსირდა სენაკის მუნიციპალიტეტში. აღნიშნულთან დაკავშირებით ინფორმაციას გვანვდის საზოგადოებრივი ჯანდაცვის ცენტრის დირექტორი ქალბატონი ანა ჭიჭალუა.

სენაკის მუნიციპალიტეტში 27 ოქტომბრის მდგომარეობით გვაქვს COVID 19-ის 97 დადებითი შემთხვევა. აქტიურად მიმდინარე 56. გამოჯანმრთელებული 38, გარდაცვლილი-3. თვითიზოლაციაში იმყოფება 129 პირი.

მუნიციპალიტეტის მასშტაბით ტარდება გეგმიური პისიარ ტესტირება: პირველადი ჯანდაცვის თანამშრომლებზე, შსს მუშაკებზე და შიდა სამარშრუტო ტაქსის მძღოლებზე.

უნდა დავემორჩილოთ დაწესებულ რეგულაციებს. დავიცვათ დისტანცია, ვატაროთ პირბადე და დავიბანოთ ხელე-ბი ხშირად.

მოამზადა მ. მიქაბერიძე

საკოორდინაციო საბჭოს რეგულაციები

პრემიერმინისტრის ხელმძღვანელობით მოქმედი უწყებათაშორის საკოორდინაციო საბჭო ბიზნესსა და მოქალაქეებს მოუწოდებს, მაქსიმალურად დაიცვან ჯანდაცვის სამინისტროსა და სპეციალისტების რეკომენდაციები, რათა დამატებითი რეგულაციების დაწესება საჭირო არ გახდეს.

მთავრობის პრესსამსახურის ცნობით, საბჭოს სხდომაზე ითქვა, რომ "ვირუსით ინფიცირების შემთხვევების ზრდა გლობალურად არსებული ტენდენციაა და ამ მხრივ გამოწვევის არც საქართველოა, თუმცა უმნიშვნელოვანესია, პროცესი

მართვადი იყოს, რათა მინიმალური ზიანი მიადგეს როგორც მოსახლეობის ჯანმრთელობას, ისე - ქვეყნის ეკონომიკას".

საბჭოს სხდომაზე ასევე ითქვა, რომ უნდა გამკაცრდეს ჯანდაცვის სამინისტროსა და სპეციალისტების რეკომენდაციების აღსრულების კონტროლი.

საკოორდინაციო საბჭო მოქალაქეებს კიდევ ერთხელ მოუწოდებს, თავი აარიონ ხალხმრავალ შეკრებებს, მაქსიმალურად დაიცვან სოციალური დისტანცია. დახურულ სივრცეებში, ისევე, როგორც საზოგადოებრივ ტრანსპორტში ატარონ პირბადე.

ჟორა სორდია



გარდაიცვალა არაერთი მონოგრაფიის და სამეცნიერო ნაშრომის ავტორი, პროფესორი ჟორა სორდია.

დაიბადა 1942 წელს ჩხორონწყის რაიონში, 1964 წლიდან საცხოვრებლად გადმოვიდა ქ. სენაკში.

უმალესი განათლების მიღების შემდეგ სამეცნიერო მუშაობას მიჰყო ხელი. სხვადასხვა წლებში მუშაობდა რესპუბლიკის უმაღლეს სასწავლებლებში კათედრის გამგედ, პრორექტორად, ქართული ენის მეთოდის ლექტორად. განსაკუთრებით ზრუნავდა ქართული ენის სინმინდის დაცვისთვის, მოურიდებლად მიუთითებდა სარეკლამო ფირნიშებსა და აბრეზზე აღმოჩენილ უზუსტობებზე, ორთოგრაფიულ შეცდომებზე.

აქტიურად თანამშრომლობდა ისეთ გამომცემლობებთან, როგორცაა „საქართველოს მეცნიერებათა აკადემიის მაცნე“, ჟურნალი „სკოლა და ცხოვრება“, გაზეთები „ახალი თაობა“, „საქართველოს „რესპუბლიკა“, რეგიონალურ ჟურნალ-გაზეთებთან, მათ შორის „კოლხეთთან“

ჟორა სორდიამ სადოქტორო დისერტაცია დაიცვა 1981 წელს. ნაშრომს მაღალი შეფასება მისცეს პროფესორებმა ა. კიზირიამ, შ. კეკელიამ, ნ. ლემონჯავამ, ჟ. ყორღანიშვილმა.

მშობლიურ ენაზე შეყვარებული კაცისთვის დედაენის და სამშობლოს ცნება განუყოფელი იყო. სიცოცხლის ბოლო წუთამდე აქტიური იყო: წერდა, თხზავდა, ასწორებდა, სტუდენტებს უწერდა ქართული ენის სიყვარულს.

78 წლის ასაკში მოულოდნელად აღესრულა. ტკივილი დაუტოვა შვილს, ახლობლებს, მეგობრებს.

ნათელი მის სულს!

მეგობრები

საინფორმაციო ცენტრის თანამშრომლები მწუხარებას გამოთქვამენ გაზეთ „კოლხეთის“ აქტიური მკითხველის და რესპონდენტის პროფესორ **ჟორა სორდიას** გარდაცვალების გამო.

თენგიზ ხოჭოლავა

გარდაიცვალა ჭეშმარიტი სენაკელი, გულისხმიერი პიროვნება, მეგობრების ჭირისა და ლხინის გამზიარებელი, კარგი ოჯახის მამა და ბაბუა თენგიზ ნიკოლოზის ძე ხოჭოლავა.

დაიბადა 1955 წელს. დაამთავრა ხობის რაიონის სოფელ შუა ქვალონის 8 წლიანი სკოლა. 1972 წელს თბილისის №75 საშუალო სკოლა.

1973 წელს ჩაირიცხა თბილისის ივანე ჯავახიშვილის სახელობის სახელმწიფო უნივერსიტეტში ვაჭრობის ეკონომიკისა და საქონელმცოდნეობის ფაკულტეტზე.

1974 წელს გაინვიეს სამხედრო სამსახურში, დაბრუნების შემდეგ, 1980 წელს, დაამთავრა უმაღლესი სასწავლებელი. სწავლის პერიოდში იწყებდა მისი შრომითი საქმიანობა, იგი მუშაობდა თბილისის ელექტრომონტაჟიზაციის ქარხანაში ზენკლად, ელექტრომემღებელ ქარხანაში ეკონომისტად, ამიერკავკასიის სამხედრო ოლქის ვაჭრობის სამმართველოს ავტომალაზიაში ბულალტრად, საქართველოს ცენტრალურ სტატისტიკურ სამმართველოში ეკონომისტად.

1980 წლიდან იგი მუშაობდა ინყებს სენაკის ქალაქვაჭრობაში საქონელმცოდნედ.

1987 წელს დაინიშნა დირექტორის მოადგილედ, ხოლო 1988 წელს – დირექტორად.

1997 წელს ამ ორგანიზაციის ბაზაზე დააფუძნა სააქციო საზოგადოება „ვერის-კომერცია-93“, რომლის სამეთვალყურეო საბჭოს თავმჯდომარე იყო. სიცოცხლის ბოლო წლებში პარალელურად ეწეოდა კერძო კომერციულ საქმიანობას.

წავიდა ამ ქვეყნიდან გულისხმიერი, შეუდარებელი გარეგნობის და კეთილი გულის პიროვნება.

ნათელი მის იმქვეყნიურ გზას!

„კოლხეთელი“

სარედაქციო ადრესი მთავარი რედაქტორი ნინო სარტანიანი რედაქტორი მელა ბალათურიანი კორექტორები: მანა გარბაია, მარია მიქაბერიძე ეკონომიკური სამსახურის სპეციალისტი ჭალიაბა ჩაჩიბაია	რედაქციის მისამართი: სენაკი, ჯავახიძის ქ. №103, ტელ: 276150 რედაქცია ხალხმრავალთა თანამშრომლობის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს. ინტელექტი 66529	რეგისტრირებულია სენაკის სასამართლოში რეგისტრაციის №56/7-17 გაზეთი ავტორიტარულად იწვევს, დაახლოვდება და ოფსეტური ნაწილი დაინაწილდეს შსს „ბოლი 95“ ქ. ქათისი, ილია ჯავახიძის გამზ. 33 ტელ: 223779, 223711, 223499
--------------------------------------------------------------------------------------------------------------------------------------------------------------------------------------------	----------------------------------------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------------------------------------------------